

《佛說無量壽經》 補充講表

◎附表十：別序（發起序）、正宗分

○世尊、世雄、世眼、世英、天尊均是指佛陀。

○「奇特之法」

* 慧遠大師於《無量壽經義疏》云：「佛所得法，超出餘人，在世所無，故云：奇特。」

* 《華嚴經·離世間品》云：「菩薩摩訶薩有十種奇特想，何等為十？所謂：於一切善根生自善根想；

於一切善根生菩提種子想；於一切眾生生菩提器想；於一切願生自願想；於一切法生出離想；於一切行生自行想；於一切法生佛法想；於一切語言法生語言道想；於一切佛生慈父想；於一切如來生無二想。是為十。若諸菩薩安住此法，則得無上善巧想。」

* 慧思大師於《大乘止觀法門》云：「是故經言：菩薩若知諸佛所有功德，即是已功德者，是為奇特之法。又復經言：與一切菩薩，同一善根藏，是故行者當知諸

佛菩薩二乘，聖人、凡夫、天人等所作功德，皆是己之功德，是故應當隨喜。」

*諦閑大師於《大乘止觀述記》云：「以是心作佛，為本修因；以極樂依正，為增上緣；因緣俱勝，

故能一生成辦，橫超三界耳。」

○天尊：即第一義天。

*五種天：

一、世間天：指人中之王，假名為天，如稱天子。

二、生天：即三界諸天。

三、淨天：即五淨居天。

四、義天：指能悟解大乘深義之十住以上之菩薩。

五、第一義天：即佛及佛所證得之涅槃。

○以一餐之力，能住壽命億百千劫，無數無量，復過於此。

《維摩詰經》香積佛品第十云：「勿以聲聞小德、小智稱量如來無量福慧。四海有竭，此飯無盡。使一切人食搏若須彌，乃至一劫，猶不能盡。所以者何。無盡戒、定、智慧、解脫、解脫知見功德具足者，所食之餘，終不可盡。」

◎正宗分

○阿彌陀佛因地所依止之勝緣：

一、遠緣：阿彌陀佛的因地不僅與諸佛緣深，而且依止諸佛作為成就彌陀淨土因果的緣起，如經文列出五十三佛，即從最初的錠光如來到最後的處世佛。

除此之外，在大通智勝佛時，為十六菩薩沙彌之一。《法華經》化城喻品云：「是十六菩薩沙彌，甚為希有，諸根通利，智慧明了。已曾供養無量千萬億數諸佛。於諸佛所，常修梵行，受持佛智，開示眾生，令入其中。」

二、近緣：依止世自在王如來。

○佛陀十種通號：

*如來、應供、等正覺、明行足、（善逝、世間解）、無上士、調御丈夫、天人師、佛、世尊。

一、如來：如者：不變之體。來者：隨化之用，為度化眾生，而示現之妙色身也。

二、應供：能受九法界供養，而三輪體空，受不可思議妙樂。

三、等正覺：即正徧知。凡夫顛倒執有，二乘但證徧空，惟佛能正徧而知一切諸法。

四、明行足：明是慧，行是福。福慧圓滿，二嚴具足。

五、善逝、世間解：生滅既滅，證入涅槃，為善逝。能解世間一切事理，名世間解。

六、無上士：菩薩雖稱大士而有上，佛能淨盡無明，圓顯法身，故稱無上士。

七、調御丈夫：佛能慈悲攝受、威德折伏剛強難化之眾生，故稱調御丈夫。

八、天人師：佛為人間天上之導師。

九、佛：自覺、覺他、覺行圓滿。

十、世尊：世間六道凡夫，出世三乘聖賢，於過、現、未來三世，皆沐佛恩，故名世尊。